



საქართველოს საბჭოთა სოციალისტური რესპუბლიკის

მ თ ა ვ რ ო ბ ი ს

# დადგენილებათა და განკარგულებათა კრებული

1939 წ. აპრილის 10

№ 9

თ ბ ი ლ ი ს ი

## შ ი ნ ა ა რ ს ი

სახალხო კომისართა საბჭოს დადგენილებანი

38. დაუნის ფოთლის დამზადების გეგმის ნაწილობრივ შეცვლის შესახებ.

39. აბრეშუხის პარკის კონტრაქტაციისა და დამზადების 1939 წლის გეგმის შესახებ.

40. „განსაზოგადოებელი სექტორის დაწესებულებათა, საწარმოთა და ორგანიზაციათათვის სამშენებლოდ, უვადო სარგებლობის უფლებით მიწის ნაკვეთების გადაცემის თაობაზე“ გამოცემულ დადგენილების შეცვლის შესახებ.

41. საქართველოს სსრ ქალაქებში, მუშათა, საკურორტო და სააგარაკო დაბებში საბინაო და კომუნალური მეურნეობის ქონების ტექნიკური აღრიცხვისა და შეფასების დებულების დამტკიცების შესახებ.

დებულება საქართველოს სსრ ქალაქებში, მუშათა, საკურორტო და სააგარაკო დაბებში საბინაო და კომუნალური მეურნეობის ქონების ტექნიკური აღრიცხვისა და შეფასების შესახებ.





# სახალხო კომისართა საბჭოს დადგენილებანი

## 38. დაფნის ფოთლის დამზადების გეგმის ნაწილობრივ შეცვლის შესახებ.

ნაწილობრივ შესაცვლელად საქართველოს სსრ სახალხო კომისართა საბჭოს 1938 წლის 3 დეკემბრის დადგენილებისა „1938 წლის მოსაელის დაფნის ფოთლის დამზადების გეგმის შესახებ“ (საქ. სსრ დადგ. კრ. 1938 წ, № 9, მუხ-ლი 46.), საქართველოს სსრ სახალხო კომისართა საბჭო ადგენს:

1. დაწესდეს ტყიბულის რაიონში დაფნის ფოთლის დამზადების წლიური გეგმა (1938 წ. ოქტომბერი—1939 წ. ოქტომბერი) 2,5 ტონის რაოდენობით, ამასთან გადიდდეს დამზადების გეგმა ზუგდიდის რაიონში 0,5 ტონით და ხობის რაიონში—1 ტონით.

2. მუხ. 1-ის შესაბამისად, დაწესდეს ცალკეული რაიონების მიხედვით დაფნის ფოთლის დამზადების შემდეგი საკვარტალო გეგმა (იხ. დანართი).

საქ. სსრ ს. კ. ს-ოს თავმჯდომარის მოადგ. **ხ. ხოშტარია.**

საქ. სსრ. ს. კ. ს-ოს საქმეთა მმართველის მ. ა. ი. **შელეგია.**

1939 წ. მარტის 13. № 430.  
თბილისი.

გ ე გ მ ა

დაფნის ფოთლის დამზადებისა 1938 წლის IV კვ.—1939 წლის IV კვ.  
 სეზონისათვის (ტონებში)

რესპუბლიკებისა და რაიონების დასახელება	დამზადების წლიური ზეგმა	ა ქ. ე დ ა 6		
		1938 წ. IV კვ.	1939 წ. I კვ.	1939 წ. II კვ.
1. აფხაზეთის ასსრ . . . . .	50,0	5,0	30,0	15,0
2. აჭარის ასსრ . . . . .	5,0	0,5	3,0	1,5
3. ზუგდიდის . . . . .	175,5	30,0	80,0	65,5
4. აბაშის . . . . .	12,0	2,0	6,0	4,0
5. გეგეჭკოვის . . . . .	12,0	1,0	10,0	1,0
6. ჩხოროწყუს . . . . .	10,0	1,0	7,0	2,0
7. წალენჯიხის . . . . .	5,0	1,0	3,0	1,0
8. ფოთის . . . . .	6,0	0,5	3,0	2,5
9. ქუთაისის . . . . .	40,0	5,0	20,0	15,0
10. ჩხარის . . . . .	2,0	0,2	1,6	0,2
11. ზესტაფონის . . . . .	2,0	0,5	1,0	0,5
12. ბაღდადის . . . . .	3,0	0,5	2,0	0,5
13. წულუკიძის . . . . .	7,0	1,0	4,0	2,0
14. სამტრედიის . . . . .	45,0	5,0	25,0	15,0
15. ვანის . . . . .	80,0	10,0	45,0	25,0
16. დანჩხუთის . . . . .	30,0	2,0	18,0	10,0
17. მახარაძის . . . . .	8,0	0,5	4,0	3,5
18. ჩოხატაურის . . . . .	14,0	1,0	6,0	7,0
19. ტყებულის . . . . .	2,5	0,3	1,4	0,8
20. ხობის . . . . .	245,0	40,0	110,0	95,0
21. ცხაკაის . . . . .	46,0	6,0	25,0	15,0
სულ საქ. სსრ-ში . . . . .	800	113,0	405,0	282,0

### 39. აბრეშუმის პარკის კონტრაქტაციისა და დამზადების 1939 წლის გეგმის შესახებ.

შესაბამისად სსრ კავშირის სახალხო კომისართა საბჭოსთან არსებული ეკონომიური საბჭოს 1939 წლის 5 მარტის დადგენილებისა „აბრეშუმის პარკის კონტრაქტაციისა და დამზადების 1939 წლის გეგმის შესახებ“ (სსრ კავშირის დადგ. კრ. 1939 წ. № 18, მუხ. 120) საქართველოს სსრ სახალხო კომისართა საბჭო ადგენს:

1. დამტკიცდეს 1939 წლის მოსავლის ყველა გამოკვების აბრეშუმის პარკის კონტრაქტაციისა და დამზადების გეგმა 39,300 ცენტნერის რაოდენობით ერთი კოლოფი თესლიდან 43,7 კილოგრამი პარკის საშუალო გამოსავლით.

2. დამტკიცდეს გაზაფხულის გამოკვების აბრეშუმის პარკის კონტრაქტაციისა და დამზადების გეგმა 35.100 ცენტნერის რაოდენობით, აბრეშუმის თესლის რეალიზაციის გეგმა 78.000 კოლოფი ერთი კოლოფი თესლიდან 45 კილოგრამი პარკის საშუალო გამოსავლით.

3. დამტკიცდეს ავტონომიურ რესპუბლიკებსა და რაიონებში აბრეშუმის თესლის რეალიზაციის შემდეგი განაწილება, ერთი კოლოფი თესლიდან პარკის საშუალო გამოსავალი და 1939 წლის გაზაფხულის გამოკვების პარკის კონტრაქტაციისა და დამზადების გეგმა (იხ. დანართი).

4. წინადადება მიეცეს სსრ კავშირის დამზადებათა სახალხო კომისარიატის რწმუნებულს საქართველოს სსრ-ში საქართველოს სსრ მიწათმოქმედების სახალხო კომისარიატთან და საქაბრეშუმტრესტთან ერთად 1939 წლის 20 მაისისათვის საქართველოს სსრ სახალხო კომისართა საბჭოს დასამტკიცებლად წარმოუდგინოს განმეორებითი გამოკვების პარკის კონტრაქტაციისა და დამზადების რაიონობრივი გეგმა.

5. წინადადება მიეცეს საქაბრეშუმტრესტს 1939 წლის 25 მარტისათვის დაამთავროს საგაზაფხულო გამოკვების აბრეშუმის პარკის კონტრაქტაცია.

6. შენარჩუნებულ იქნას 1939 წლისათვის 1938 წელს მომქმედი ფულადი ავანსების გაცემის ოდენობა, პარკის ჩამბარებლებზე პარკის გეგმის ზევით ჩამბარებისათვის ჯილდო-წანამატების მიცემის წესი, გაცემული ჯილდო-წანამატების მრეწველობის მიერ დაფარვის წესი.

7. პარკის ჩამბარებლებისათვის აბრეშუმის საქონლის მიყიდვა მოხდეს საომომხმარებლო კოოპერაციის მეშვეობით მას შემდეგ, რაც მეაბრეშუმეები წარადგენენ დამამზადებელი პუნქტების მიერ გაცემული მისაღები ორდერების ასლებს, მათ მიერ ჩამბარებული პარკის ლირებულების 45% რაოდენობით (ნაცვლად 20%-სა, რაც 1938 წელს ეძლეოდათ).

ამის შესაბამისად წინადადება მიეცეს საქართველოს სსრ ვაჭრობის სახალხო კომისარიატს უზრუნველჰყოს აბრეშუმის საქონლის შეტანა მეაბრეშუმეობის რაიონებში საჭირო რაოდენობითა და ასორტიმენტით.

8. მეაბრეშუმეებისათვის თესლის მიცემა საგაზაფხულო და საზაფხულო-

საშემოდგომო გამოკვებისათვის მოხდეს ინკუბირებული სახით (ქიებად) მთლიანად ანგარიშით: 17,5 გრამი ჭია, ნაცვლად ერთი 25 გრამიანი კოლოფისა.

9. მებარეშუმებისათვის აბრეშუმის თესლის (ქიების) მიყიდვა მოხდეს ნისიად აბრეშუმის პარკის ჩაბარებამდე სსრ კავშირის მიწათმოქმედების სახალხო კომისარიატის მიერ დაწესებულ ფასებში.

დაევალოს სახელმწიფო ბანკის საქართველოს კანტორას მისცეს საქაბრეშუმტრესტს საჭირო კრედიტები 1939 წელს აბრეშუმის პარკის კონტრაქტაციისა, დამზადებისა და პირველადი გადამუშავებისათვის წლიური 3<sup>0</sup>/<sub>100</sub>-ის გადახდევენებით.

10. თუთის აბრეშუმის ჭიის ეპიზოტიური დაავადების წინააღმდეგ ბრძოლის მიზნით, აიკრძალოს სახლში დამზადებული თესლის წარმოება, გაყიდვა და გამოცოცხლება.

დ ზევალოს საქაბრეშუმტრესტს უკეთუ აღმოჩენილ იქნა სახლში დამზადებული თესლიდან გამოყვანილი თუთის აბრეშუმის ჭია, მოსპოს იგი.

11. დაევალოს საქაბრეშუმტრესტს:

ა) მოამარაგოს მებარეშუმეები ამლებებით, საფენი ქალაღით, ფორმალინით, კირით, მებარეშუმეობის წვრილი ინვენტარით თვითღირებულების ფასებში ნისიად აბრეშუმის პარკის ჩაბარებამდე.

ბ) ერთი დეკადის ვადაში შეიმუშაოს და საქართველოს სსრ სახალხო კომისართა საბჭოს წარმოდგინოს ყველა საკითხი აბრეშუმის პარკის მისაღებად და გადასამუშავებლად საჭირო დამამზადებელ-ტექნიკური ბაზის მომზადებისათვის.

12. იმ მიზნით, რომ მებარეშუმეებისათვის ქიების მიცემისას მოეწყოს სათანადო საზოგადოებრივი კონტროლი, დაევალოს მებარეშუმეობის რაიონების რაიონულ აღმასრულებელ კომიტეტებს გამოჰყონ და ქიების დარიგების პერიოდისათვის მიამაგრონ თითოეულ საინკუბაციო კამერას გამოცდილი მოწინავე მებარეშუმეები.

13. დაწესდეს, რომ საკონტრაქტაციო ხელშეკრულებანი, როგორც წესი, უნდა დაიდოს მხოლოდ ოჯახის ერთერთ წევერთან, ამასთან არ იქნას დაშვებული ხელშეკრულებათა დადება ოჯახის რამდენიმე წევერთან.

საქაბრეშუმტრესტმა უზრუნველჰყოს საკონტრაქტაციო ხელშეკრულებებით გათვალისწინებული პირგასამტეხლოს გადახდევენება იმ მებარეშუმეებისაგან, რომლებიც არ ასრულებენ პარკის ჩაბარების დაწესებულ გეგმებს.

14. დაევალოს რაიონულ აღმასრულებელ კომიტეტებს და საქაბრეშუმტრესტს მებარეშუმეებთან საკონტრაქტაციო ხელშეკრულებათა დადების დროს ფართოდ განუმარტონ მათ, რომ იმ შემთხვევაში, თუ მებარეშუმეები არ შეასრულებენ ხელშეკრულებებს, მათ გადახდებათ ხელშეკრულებით გათვალისწინებული პირგასამტეხლო ხოლო უკეთუ ისინი შეეცდებიან გააერთიანონ აბრეშუმის პარკის პარტიები ან ჩაბარონ სახლში მომზადებული თესლიდან მიღებული აბრეშუმის პარკი უკანონო ჯილდო-წანამატების მიღების მიზნით, მათ წაერთ-



მევით ჯილდო-წანამატების მიღების უფლება და ამას გარდა მიცემულ იქნებინა პასუხისგებაში.

15. წინადადება მიეცეს რაიონულ აღმასრულებელ კომიტეტებს და საქ-  
 აბრეშუმტრესტს ფართოდ გაავრცელონ და გამოიყენონ მოწინავე ქისტ მეაბრე-  
 შუმეთა გამოცდილება რათა საქართველოს სსრ ყველა რაიონის მეაბრეშუმე მა-  
 სები დაეუფლონ მას.

ამ მიზნით საქაბრეშუმტრესტმა ქისტ მეაბრეშუმეთა რიცხვიდან გამოჰყოს  
 ინსტრუქტორები და გაგზავნოს ისინი მეაბრეშუმეობის დანარჩენ რაიონებში მე-  
 აბრეშუმეთა შორის მათი გამოცდილების დასანერგავად.

საქართველოს სსრ სახალხო კომისართა საბჭო ძირითად ამოცანად სახავს  
 რაიონების ხელმძღვანელი, სამიწათმოქმედო და დამამზადებელი ორგანიზაციე-  
 ბის წინაშე რათა მეაბრეშუმეობის ყველა სტადიის (კონტრაქტაცია, თესლის  
 ინკუბაცია, ქიების სწორად დარიგება მათი მოვლა, აბრეშუმის პარკის ჩაბარე-  
 ბის ორგანიზაცია) ზუსტად და დროულად ჩატარების და მეაბრეშუმეობის მო-  
 წინავეთა გამოცდილების ფართოდ დანერგვის საფუძველზე, მათ მიადწინონ  
 1939 წელს პარკის დამზადების გეგმების არამარტო მთლიანად შესრულებას,  
 არამედ ამ გეგმების გადაჭარბებას.

საქ. სსრ ს. კ. ს-ოს თავმჯდომარის მოადგ. **ს. ხოშტარია.**

საქ. სსრ ს. კ. ს-ოს საქმეთა მმართველის მ. ა. ი. **შელეგია.**

1939 წ. მარტის 15. № 433.

თბილისი.

გ ე ზ მ ა

1939 წლის გაზაფხულის გამოკვების აბრეშუმის პარკის კონტრაქტაციისა და დამზადებისა

აგტონომიური რესპუბლიკებისა და რაიონების დასახელება	აბრეშუმის თესლის რეალიზაციის გეგმა (კოლოფობით)	ერთი კოლოფი თესლიდან პარკის ჩაბარების საშუალო ნორმა კილოგრამობით	პარკის კონტრაქტაციისა და დამზადების გეგმა ცენტნერობით
1. თბილისის . . . . .	260	40	104,0
2. საგარეჯოს . . . . .	160	38	60,8
3. ბორჩალოს . . . . .	315	39	122,8
4. ლუქმებურგის . . . . .	120	42	50,4
5. გორის . . . . .	90	36	32,4
6. ხაშურის . . . . .	50	36	18,0
7. კასპის . . . . .	200	40	80,0
8. გურჯაანის . . . . .	850	49	416,5
9. სიღნაღის . . . . .	700	50	350,0
10. სოღნაღის . . . . .	180	49	88,2
11. წითელწყაროს . . . . .	1450	44	638,0
12. ლაგოდეხის . . . . .	1520	48	729,6
13. თელავის . . . . .	1650	42	693,0
14. ყვარლის . . . . .	1600	50	800,0
15. ხესტაფონის . . . . .	425	48	204,0
16. ორჯონიკიძის . . . . .	375	40	150,0
17. კიათურის . . . . .	1480	45	666,0
18. ჩხარის . . . . .	5000	58	2900,0
19. ქუთაისის . . . . .	170	54	91,8
20. ტყიბულის . . . . .	1050	45	472,5
21. ბაღდადის . . . . .	5700	48,5	2764,5
22. სამტრედიის . . . . .	4350	49	2131,5
23. წულუკიძის . . . . .	3750	45	1687,5
24. ვანის . . . . .	3950	43	1698,5
25. აბაშის . . . . .	3450	41,5	1431,8
26. ცხაკაიას . . . . .	425	42	178,5
27. ფოთის . . . . .	4645	43	1997,3
28. გემბაკორის . . . . .	5850	46	2461,0
29. ხუგდიდის . . . . .	2700	41	1107,0
30. ხობის . . . . .	2100	43	903,0
31. წალენჯიხის . . . . .	3130	44	1377,2
32. ჩხოროწყუს . . . . .	4150	45	1784,5
33. მახარაძის . . . . .	4500	42	1890,0
34. ლანჩხუთის . . . . .	3300	43	1419,0
35. ჩოხატაურის . . . . .	415	39	161,8
36. ამბროლაურის . . . . .	710	39	276,9
37. ცაგერის . . . . .	730	40	292,0
38. აჭარის ასსრ . . . . .	7000	41	2870,0
სულ საქართველოს სსრ-ში	78000	45	35100,0

40. „განსაზოგადოებული სექტორის დაწესებულებათა, საწარმოთა და ორგანიზაციათათვის სამშენებლოდ, უვადო სარგებლობის უფლებით მიწის ნაკვეთების გადაცემის თაობაზე“ გამოცემულ დადგენილებების შეცვლის შესახებ.

შესაბამისად სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს 1937 წლის 17 ოქტომბრის დადგენილებისა „ქალაქებში საბინაო ფონდის შენარჩუნებისა და საბინაო მეურნეობის გაუმჯობესების შესახებ“ (სსრკ კან. კრ. 1937 წ. № 69, მუხ. 314), საქართველოს სსრ სახალხო კომისართა საბჭო ადგენს:

შეტანილ იქნას საქართველოს სსრ ცენტრალური აღმასრულებელი კომიტეტისა და სახალხო კომისართა საბჭოს 1934 წ. 16 ივნისის დადგენილებაში „განსაზოგადოებული სექტორის დაწესებულებათა, საწარმოთა და ორგანიზაციათათვის სამშენებლოდ უვადო სარგებლობის უფლებით მიწის ნაკვეთების გადაცემის შესახებ“ (საქ. სსრ კან. კრ. 1934 წ. № 23, მუხ. 191; 1935 წ. № 14 მუხ. 76; 1938 წ. № 16, მუხ. 79) შემდეგი ცვლილებანი:

ა) მუხლები 14 და 15 გაუქმდეს;

ბ) მუხლები 17 და 19 მიღებულ იქნას შემდეგი რედაქციით:

„17. საცხოვრებელი ფართობის მიცემის მოვალეობა (მუხ. 16) ეკისრება მიწის ნაკვეთის უვადო მოსარგებლეს“.

„19. არასაცხოვრებელი სადგომების საიჯარო ქირას როგორც უვადო სარგებლობაში გადაცემულ მიწის ნაკვეთებზე მდებარე შენობებში (მათ ლეზამდე), ისე ამ ნაკვეთებზე ახლად აშენებულ შენობებშიც გადაახდევინებს უვადო მოსარგებლე იმ ტარიფით, რაც დაწესებულია ადგილობრივი საბჭოების მიერ არასაცხოვრებელი სადგომებისათვის ადგილობრივი საბჭოების კუთვნილ სახლებში. საიჯარო ქირის 5% ჩაირიცხება სახლის საერთო შემოსავალში მისი შენახვის ხარჯების დასაფარავად, ხოლო 95% იმ საცხოვრებელი ფონდის კაპიტალური რემონტის დასაფინანსებლად, რომელიც უვადო მოსარგებლეს ეკუთვნის“.

საქ. სსრ ს. კ. ს-ოს თავმჯდომარის მოადგ. **ს. ხოშტარია.**

საქ. სსრ ს. კ. ს-ოს საქმეთა მმართველის მ. ა. ი. **შელეგია.**

1939 წ. მარტის 21. № 465.

თბილისი.



41. საქართველოს სსრ ქალაქებში, მუშათა, საკურორტო და სააგარაკო დაბებში საბინაო და კომუნალური მეურნეობის ქონების ტექნიკური აღრიცხვისა და შეფასების დებულების დამტკიცების შესახებ.

საქართველოს სსრ სახალხო კომისართა საბჭო ადგენს:

1. დამტკიცებული იქნას დებულება საქართველოს სსრ ქალაქებში მუშათა, საკურორტო და სააგარაკო დაბებში საბინაო და კომუნალური მეურნეობის ქონების ტექნიკური აღრიცხვისა და შეფასების შესახებ.

2. გაუქმებულ იქნას დებულება საქართველოს სსრ ქალაქ ადგილებში და მუშათა საკურორტო და სააგარაკო დაბებში, მიწების, შენობებისა და კომუნალური ნაგებობების ინვენტარიზაციის შესახებ, რომელიც დამტკიცებულია საქართველოს სსრ სახალხო კომისართა საბჭოს 1935 წ. 8 დეკემბრის დადგენილებით (საქ. სსრ კან. კრ. 1936 წ. № 4, მუხ. 25).

3. სახელმწიფო და ადგილობრივ ბიუჯეტებზე მყოფი დაწესებულებათა სპეციალური სახსრების ნუსხას (საქ. სსრ კან. კრ. 1936 წ. № 30, მუხ. 176; 1937 წ. № 4, მუხ. 30) დაემატოს პუნქტი 16 შემდეგი შინაარსისა:

#### სახსრების წყაროები

#### სახსრების დანიშნულება

№ №  
რიგ.  
16.

მიზნობრივი გამოსაღები ქალაქებში, მუშათა, საკურორტო და სააგარაკო დაბებში საბინაო და კომუნალური მეურნეობის ქონების ტექნიკური აღრიცხვისა და შეფასების სამუშაოთა ასანახლაურებლად.

ქალაქებში, მუშათა, საკურორტო და სააგარაკო დაბებში საბინაო და კომუნალური მეურნეობის ქონების ტექნიკური აღრიცხვისა და შეფასების სამუშაოთა საწარმოებლად.

საქ. სსრ ს. კ. ს-ოს თავმჯდომარის მოადგ. **ს. ხოშტარია.**

საქ. სსრ ს. კ. ს-ოს საქმეთა მმართველის მ. ა. ი. **შელევია.**

1939 წ. მარტის 21. № 468.  
თბილისი.

## დ ე ბ უ ლ ე ბ ა

საქართველოს სსრ ქალაქთაში, მუშათა, საკურორტო და საავიარაგო დაბებში საბინაო და კომუნალური მეურნეობის ქონების (მიწების, შენობათა და ნაგებობათა) გამგებლობა და გამოყენება ჩატარებულ უნდა იქნეს აღნიშნული ქონების მთლიანი ტექნიკური აღრიცხვა და შეფასება ამ დებულებით დაწესებულ საფუძველზე.

### 1. ზოგადი დებულებანი.

1. იმ მიზნით, რათა სწორად იქნას დაყენებული საქართველოს სსრ ქალაქებში, მუშათა, საკურორტო და საავიარაგო დაბებში საბინაო და კომუნალური მეურნეობის ქონების (მიწების, შენობათა და ნაგებობათა) გამგებლობა და გამოყენება ჩატარებულ უნდა იქნეს აღნიშნული ქონების მთლიანი ტექნიკური აღრიცხვა და შეფასება ამ დებულებით დაწესებულ საფუძველზე.

2. ქონების ტექნიკური აღრიცხვისა და შეფასების ჩატარებამ უნდა უზრუნველყოს საქალაქო (სადაბო) მეურნეობის მმართველობის ორგანოები ზუსტი სააღრიცხვო-ტექნიკური ცნობებითა და დოკუმენტებით შემდეგი საკითხების გადასაჭრელად:

- ა) არსებული ქონების ტექნიკური მდგომარეობა და კუთვნილება;
- ბ) ქონების ღირებულების შეტანა სახალხო მეურნეობის საერთო ბალანსში;
- გ) ქონების ყოველწლიური ამორტიზაციის თანხების გამოკვევა;
- დ) იმ გადასახადებისა და მიწის რენტის ოდენობის გამოკვევა, რაც საქალაქო (სადაბო) ქონებას გადახდება;
- ე) ქონების სახელმწიფო დაზღვევა;
- ვ) სააღრიცხვო-ტექნიკური ცნობების დარგში სახალხო მეურნეობისა და მოსახლეობის სხვა მოთხოვნილებათა დაკმაყოფილება.

3. იმ მიზნით, რომ ქონების აღრიცხვა და შეფასება თანადროული მონაცემების დონეზე იყოს დაყენებული, ერთდროული და მთლიანი ძირითადი აღრიცხვის შემდეგ ხდება ქონების შემადგენლობასა, მდგომარეობასა და შეფასებაში მომხდარ შემდგომ მიმდინარე ცვლილებათა აღრიცხვა.

4. ქალაქებში, მუშათა, საკურორტო და საავიარაგო დაბებში საბინაო—და კომუნალური მეურნეობის ქონების ძირითადი და მიმდინარე ტექნიკურ აღრიცხვასა და შეფასებას, ვის გამგებლობაში ან სარგებლობაშია არ უნდა იყოს ეს ქონება, ანხორციელებენ მშრომელთა დებუტატების ადგილობრივი საბჭოების კომუნალური განყოფილებანი საქართველოს სსრ კომუნალური მეურნეობის სახალხო კომისარიატის საერთო ხელმძღვანელობით.

5. ქონების ტექნიკური აღრიცხვისა და შეფასების დროს ამ ქონების მფლობელნი და მოსარგებლენი მოვალენი არიან წარუდგინონ მშრომელთა დებუტატების ადგილობრივი საბჭოების კომუნალურ განყოფილებებს, მათი მოთხოვნის თანახმად, დოკუმენტები, რომლებიც ადასტურებენ იმ ქონების მფლობელობის ან სარგებლობის უფლებას, რომლის აღრიცხვა და შეფასება ხდება.

## II. ტექნიკური აღრიცხვისა და შეფასების ობიექტები.

6. ამ დებულების წესისამებრ ტექნიკურად აღრიცხული და შეფასებული უნდა იქნას:

ა) უკლებლივ ყველა მიწები ქალაქის (დაბის) მიჯნის ფარგლებში როგორც შენობიანი ისე უშენობო ვის გამგებლობაშია ან სარგებლობაშია არ უნდა იმყოფებოდნენ ეს მიწები;

ბ) ყველა საცხოვრებელი, საკანტორო-სადაწესებულებო, სავაჭრო-სასაწყობო, სოციალურ-კულტურული და კულტურულ-საყოფაცხოვრებო ნაგებობანი მათი კუთვნილი დამხმარე შენობებითა და ნაგებობებით, რომლებიც მათ მომსახურებას უწყევენ;

გ) საქალაქო კეთილმოწყობის ნაგებობანი გზების, ხიდებისა და მიწის მეურნეობის, ქუჩის განათების და სხვ. დარგში;

დ) კომუნალური საწარმოები-ელექტროსადგურები, საქალაქო ტრანსპორტი, წყალსადენი, კანალიზაცია, აბანოებისა და სამრეცხაოების მეურნეობა და დანარჩენი კომუნალური სამრეწველო, საყოფაცხოვრებო და დამხმარე საწარმოები;

ე) კომუნალური საწარმოების მოწყობილობა: მექანიკური და ძალოვანი დანადგარები, აგრეთვე სამუშაო და სამეურნეო ინვენტარი.

**შენიშვნა:** 1. მე-17 მუხლის შესაბამისად მიწების შეფასება არ სწარმოებს.

**შენიშვნა:** 2. იმ მიწების აღრიცხვა, რომლებიც განკუთვნილი აქვს რკინიგზისა და წყლის ტრანსპორტს, რაც მომსახურებას უწყევს თავდაცვის, სამხედრო-საზღვაო ფლოტის და კავშირგაბმულობის სახალხო კომისარიატების შენობებსა და ნაგებობებს აგრეთვე საკავშირო და რესპუბლიკური ქვემდებარეობის სამრეწველო საწარმოებს, არ სწარმოებს.

**შენიშვნა:** 3. ამ დებულების წესისამებრ არ უნდა იქნას აღრიცხული და შეფასებული ის შენობები, რომლებიც საკავშირო და რესპუბლიკური ქვემდებარეობის სახელმწიფო დაწესებულებებსა და საწარმოებს ეკუთვნიან.

## III. ქონების ტექნიკური აღრიცხვა.

7. ქონების ტექნიკური აღრიცხვა გულისხმობს:

ა) არსებული ქონების ადგილმდებარეობისა და კუთვნილების გამორკვევას;

ბ) მის აღწერას უმნიშვნელოვანესი სამეურნეო, ტექნიკური და კონსტრუქციული ნიშნების მიხედვით;

გ) აღრიცხვის მომენტში მისი ტექნიკური მდგომარეობისა და გაცვეთის მეტნაკლებობის გამორკვევას.

8. ქონების ტექნიკური აღრიცხვა სწარმოებს ნატურაში მისი უცილობლივი გამოკვლევით და შენობებისა და ნაგებობათა აღრიცხვის, დაპროექტებისა და მშენებლობის დროს მთელი წინათ ჩატარებული სამუშაოების მასალების გამოყენებით.

**შენიშვნა:** ყველა იმ მასალის შენახვა, რომლებიც ქონების ტექნიკურ მდგომარეობას ახასიათებენ, კერძოდ, არქიტექტურულ-სამშენებლო, გეოდეზიური არქივების შენახვა, ეკისრება ტექნიკური აღრიცხვის ორგანოებს ქალაქებში.

9. ქალაქებში, მუშათა, საკურორტო და სააგარაკო დაბებში მთლიან ტექნიკურ აღრიცხვასთან ერთად ან ამ აღრიცხვისთანავე ქონების ზუსტი ადგილმდებარეობის გამორკვევის მიზნით ჩატარებულ იქნას სახლმფლობელობათა საერთო საქალაქო ნუმერაციის, გასასვლელთა დასახელების გასწორება გეგმების მიხედვით და ნატურაში და სხვა.

10. ქონების ტექნიკური აღწერის დროს, რაც დაწესებული ფორმის ტექნიკური აღრიცხვის აღწერილობებისა და გეგმების მიხედვით სრულდება, აღინიშნება:

ა) მიწების მიმართ ნაკვეთების საზღვრები, მათი განფენილობა, ფართობი, გამოყენების ფორმები (ადგილ-მამულის სახე);

ბ) შენობების მიმართ გამოყენების დანიშნულება და ხასიათი, სართულების რიცხვი, სადგომებისა და შენობების ფართობი მთლიანად, მოცულობა, მასალა, ძირითადი ელემენტების (საძირკვლის, გადახურვისა და იატაკების, სახურავების, და სხვა) კონსტრუქცია და მოპირკეთება, შინაგანი კეთილმოწყობის ელემენტების (წყალსადენი, კანალიზაცია, განათება) არსებობა გათბობის სისტემა, აშენების წელი და ვაცვეთის მეტნაკლებობა აღრიცხვის მომენტში;

გ) ნაგებობათა მიმართ: ნაგებობათა დანიშნულება, მასალა, კონსტრუქცია და ზომა, აშენების და ექსპლოატაციის დაწყების წელი, ტექნიკური მდგომარეობა და ვაცვეთის მეტნაკლებობა;

დ) კომუნალურ საწარმოთა მოწყობილობის მიმართ: მოწყობილობის საგნებისა და ინვენტარის დასახელება და დანიშნულება, მასალა სისტემა, ტიპი, საფაბრიკო ნომერი, საწარმოო სიმძლავრე, ზომა, წონა, სათბობის სახე, დამზადებისა და ექსპლოატაციის დაწყების წელი, ტექნიკური მდგომარეობა და ვაცვეთის მეტნაკლებობა.

აღრიცხვაში ერთსახეობის მიღწევის მიზნით, ზემოთაღნიშნული ნიშნების ჩამოთვლა სავალდებულოა, მაგრამ ადგილობრივი პირობების მიხედვით შეიძლება შევსებულ იქნას სხვა ნიშნებითაც, რაც საჭიროა სათანადო ობიექტების სრული ტექნიკური დახასიათებისათვის.

11. ქონების ტექნიკური აღრიცხვა დამთავრდება აღრიცხვის მონაცემების საერთო ჯამობრივი ნაკრები ცნობის შედგენით თითოეული ქალაქის, მუშათა, საკურორტო ან სააგარაკო დაბის მამართ, აღრიცხვის დამთავრების მომენტი-სათვის არსებული მდგომარეობის მიხედვით.

12. ტექნიკური აღრიცხვის მეთოდებსა და ფორმებს ამ დებულების საფუძველზე შეიმუშავებს საქართველოს სსრ კომუნალური მეურნეობის სახალხო კომისარიატი.



#### IV. შეფასების მეთოდები.

13. ქონების შეფასება იმაში მდგომარეობს, რომ გამოირკვეს მისი ღირებულება აღრიცხვის მოხდენის მომენტისათვის მომქმედ ფასებში.

ამის შესაბამისად, ქონების შეფასების დროს გამოირკვევა:

ა) პირვანდელი ღირებულება და ბ) ნამდვილი ღირებულება აღრიცხვის მომენტში.

14. შენობათა და ნაგებობათა პირვანდელი ღირებულება გამოირკვევა იმის მიხედვით, თუ რა ღირს მათი აგება აღრიცხვის მომენტში, რისთვისაც ანგარიშში მიღებულ უნდა იქნას ერთიდაიმავე ტიპის შენობათა და ნაგებობათა განზომილების საშუალო საშენებლო ღირებულება.

15. სამრეწველო ნაწარმის ხასიათის მქონე სხვადასხვა მოწყობილობისა და ინვენტარის (მანქანები, დაზგები ინსტრუმენტები და სხვ.) პირვანდელი ღირებულება გამოირკვევა სათანადო ახალი ქონების ღირებულების მიხედვით მომქმედ ფასებში, ამასთან დამხმარე გამართულობათა და ხელსაწყოთა (ღვედი, საძირკველი და სხვ.) პირვანდელი ღირებულება უნდა აღინიშნოს თითოეული მანქანისა და მოწყობილობისათვის ცალკე.

**შენიშვნა:** 1. მოწყობილობის საგნების ფასი გამოირკვევა იმ სახელმწიფო საწარმოთა არსებული პრეისკურანტების მიხედვით, რომლებიც ამ მოწყობილობას ამზადებენ.

**შენიშვნა:** 2. მოწყობილობის საგნების შეფასების დროს მის ღირებულებაში შეტანილ უნდა იქნას მის მიტანასა და დადგმაზე გაწეული ხარჯები, ამასთან როგორც პირველის, ისე მეორის ღირებულება უნდა აღინიშნოს შესაფასებელი საგნის ღირებულების განცალკევებით.

16. ცოცხალი ინვენტარის ღირებულება გამოირკვევა აღრიცხვის მომენტში არსებული საშუალო-წლიური ადგილობრივი დასამზადებელი ფასების საფუძველზე.

17. მიწის ქონება, აგრეთვე სატყეოები და სათევზაოები და მიწის წიაღის საბადოები, როგორც ბრუნველან ამოღებული, შეფასებული არ უნდა იქნას.

18. ქონების ნამდვილი ღირებულება აღრიცხვის მომენტისათვის გამოირკვევა იმის მიხედვით თუ პირვანდელი ღირებულება რა თანხით შემცირდა ქონების ტექნიკურ გაცვეთასთან დაკავშირებით.

19. ქონების შეფასება, რაც ძირითადი ტექნიკური აღრიცხვის ჩატარების დროს არის გამოირკვეული ყოველწლიურად უნდა იქნას შედარებული ადგილობრივ პირობებში მომქმედ ფასების ინდექსთან, ამასთან უკეთეს ფასების განსხვავება 10%<sup>0</sup>-ს აღემატება და ამას ოპერატიული საჭიროება მოითხოვს, განსხვავება ასახულ უნდა იქნას ქონების შეფასებაში, რაც შესწორებითი კოეფიციენტების საშუალებით დაყვანილ უნდა იქნას თანადროულ ფასებთან.

ფასების ინდექსის შეცვლის გამო ქონების შეფასების შესწორებითი კოეფიციენტების შემუშავებას აწარმოებენ მშრომელთა დეპუტატების ადგილობრი-



ვი საბჭოების კომუნალური განყოფილებანი საქართველოს სსრ კომუნალური მეურნეობის სახალხო კომისარიატის მეთვალყურეობით, მათი შემდგომი დამტკიცებით მშრომელთა დეპუტატების სათანადო ადგილობრივი საბჭოების მიერ.

#### V. ძირითადი ტექნიკური აღრიცხვის ჩატარების ვადები.

20. ქონების ძირითადი აღრიცხვა და შეფასება საქართველოს სსრ ქალაქებში, მუშათა, საკურორტო და სააგარაკო დაბებში უნდა დამთავრდეს არაუგვიანეს 1941 წლის 1 იანვრისა.

21. ქალაქებში, მუშათა, საკურორტო და სააგარაკო დაბებში ქონების ძირითადი ტექნიკური აღრიცხვის და შეფასების ჩატარების შემდეგ არ შეიძლება საქართველოს სსრ სახალხო კომისართა საბჭოს განსაკუთრებული დადგენილების გარეშე ქონების მასობრივი ხელახალი აღრიცხვა და გადაფასება ნატურიდან მეურნეობის სხვადასხვა მიზნებისათვის, გარდა მიმდინარე ცვლილებათა აღრიცხვისა.

#### VI. ტექნიკური აღრიცხვის სამუშაოთა დაფინანსების წყაროები.

22. ქალაქებში, მუშათა, საკურორტო და სააგარაკო დაბებში საბინაო და კომუნალური მეურნეობის იმ ქონების ტექნიკური აღრიცხვისა და შეფასების ხარჯები, რომელიც იძყოფება როგორც კომუნალური მეურნეობის ორგანოების უშუალო გამგებლობაში, ისე იმ სახელმწიფო დაწესებულებათა გამგებლობაში რაც ადგილობრივი ბიუჯეტის სახსრების ანგარიშზე ინახება, გაიწევა ამ მიზნებისათვის ადგილობრივი ბიუჯეტით გამოყოფილი თანხებიდან.

საბინაო და კომუნალური მეურნეობის დანარჩენი ქონების ტექნიკური აღრიცხვისა და შეფასების ხარჯები გაიწევა ამ ქონების მოსარგებლეთა და მფლობელთა ანგარიშზე მშრომელთა დეპუტატების ადგილობრივი საბჭოების მიერ დაწესებული მიზნობრივი გამოსაღების განაკვეთების მიხედვით, იმ საზღვრითი განაკვეთების საფუძველზე, რომლებიც დამტკიცებულია საქართველოს სსრ სახალხო კომისართა საბჭოს 1938 წლის 19 აგვისტოს დადგენილებით „ქალაქებში, საკურორტო სააგარაკო და მუშათა დაბებში სახლებისა და სხვა შენობათა მიწების და კომუნალურ ნაგებობათა ტექნიკური აღრიცხვის ვადებისა და აღრიცხვის საჭიროებისათვის მიზნობრივი გამოსაღების საზღვრითი განაკვეთების დაწესების შესახებ“ (საქ. სსრ დადგ. კრ. 1938 წ. № 5, მუხ. 17).

ქონების ტექნიკური აღრიცხვისა და შეფასების სამუშაოთა ასანაზღაურებლად მიზნობრივი გამოსაღების განაკვეთები (მუხ. 22) დაწესდება სამუშაოთა თვითღირებულების ანაზღაურების პრინციპის მიხედვით და დიფერენცირებულ უნდა იქნას მშრომელთა დეპუტატების ადგილობრივი საბჭოების მიერ აღსარიცხავი ქონების მოსარგებლე და მფლობელ მშრომელთა მატერიალურ მდგომარეობის მიხედვით.

24. ქონების ტექნიკური აღრიცხვისა და შეფასების სამუშაოთა ასანაზღა-

ურებლად მიზნობრივი გამოსაღები ქონების მოსარგებლეთ და მფლობელების დახდებათ ორ ვადაში:

ა) ქონების ტექნიკური აღრიცხვის და შეფასების დაწყებისას გამოსაღების თანხის 50<sup>0</sup>/<sub>0</sub>-დან 75<sup>0</sup>/<sub>0</sub>-მდე;

ბ) სამუშაოთა დამთავრების შემდეგ-დანარჩენი ნაწილი.

უკეთეს სასყიდელი შეტანილი არ იქნა დაწესებულ ვადაზე, იგი გადაიხდენება სანოტარო ორგანოების სააღსრულებო წარწერით, რაც გაუკეთდება მშრომელთა დებუტატების ადგილობრივი საბჭოს სათანადო კომუნალური განყოფილების შეტყობინებას იმ წესით, რაც გათვალისწინებულია საქართველოს სსრ სახალხო კომისართა საბჭოს დადგენილების „ა“ კარის 33 მუხლით, რა დადგენილებითაც დამტკიცებულია იმ დოკუმენტების ნუსხა, რომლებითაც გადახდებიან სწარმოებს სანოტარო ორგანოების სააღსრულებო წარწერებით (საქ. სსრ კან. კრ. 1934 წ. № 33, მუხ. 254).

25. ქალაქებში, მუშათა, საკურორტო და საგარეო დაბებში საბინაო და კომუნალური მეურნეობის ქონების ტექნიკური აღრიცხვისა და შეფასების სამუშაოთა ასანაზღაურებელი მიზნობრივი გამოსაღების თანხები შეადგენენ მშრომელთა დებუტატების სათანადო ადგილობრივი საბჭოს სპეციალურ სახსრებს და დანიშნულია მარტოდენ ამ ქონების ძირითადი და მიმდინარე ტექნიკური აღრიცხვისა და შეფასების საჭიროებისათვის.

ამ სახსრების ხარჯვა სწარმოებს იმ წესით, რაც გათვალისწინებულია სახელმწიფო და ადგილობრივ ბიუჯეტზე მყოფ დაწესებულებათა სპეციალური სახსრების შესახებ არსებული დებულებით, რომელიც დამტკიცებულია საქართველოს სსრ სახალხო კომისართა საბჭოს 1936 წლის 3 ნოემბრის დადგენილებით (საქ. სსრ კან. კრ. 1936 წ. № 30, მუხ. 176; 1937 წ. № 4, მუხ. 30).

## VII. ქონების ტექნიკური აღრიცხვისა და შეფასების ჩასატარებლად საჭირო სამუშაოების ორგანიზაცია.

26. ქალაქებში, მუშათა, საკურორტო და საგარეო დაბებში საბინაო და კომუნალური მეურნეობის ქონების ტექნიკური აღრიცხვისა და შეფასების სამუშაოებს ასრულებენ მშრომელთა დებუტატების ადგილობრივი საბჭოების კომუნალური განყოფილებანი; როგორც წესი ამ სამუშაოთა ჩატარება სწარმოებს საქართველოს სსრ კომუნალური მეურნეობის სახალხო კომისარიატის სათანადო საწარმოო ორგანიზაციების მეშვეობით უკანასკნელებთან დადებულ ხელშეკრულებათა საფუძველზე და ადგილობრივი საბჭოების უშუალო ხელმძღვანელობით.

27. ქალაქებში, მუშათა, საკურორტო და საგარეო დაბებში საბინაო და კომუნალური მეურნეობის ქონების ტექნიკური აღრიცხვისა და შეფასების სამუშაოთა ჩატარებას საერთო ხელმძღვანელობას უწევს საქართველოს სსრ კომუნალური მეურნეობის სახალხო კომისარიატი ტექნიკური აღრიცხვის იმ ცენტრალური ბიუროს მეშვეობით, რომელიც მასთან ეწყობა. ტექნიკური აღრი-

ცხვის ცენტრალური ბიუროს აპარატის დაკომპლექტება მოხდება სახალხო მისარიატის ხაზით დამტკიცებული შტატის ფარგლებში.

28. იმ ქალაქებში, მუშათა, საკურორტო და სააგარაკო დაბებში, რომლებშიაც პირველად სწარმოებს მთლიანი საქალაქო აგეგმვა ან ქალაქის ტექნიკური აღრიცხვა, სავალდებულოა ერთსადაიმავე დროს ჩატარდეს ორივე სახის სამუშაოები ერთმანეთთან მტკიცედ შეთანხმებით, აგეგმვის სამუშაოთა წარმოების პროგრამის, კალენდარული გეგმისა და მასშტაბის მიხედვით.

### VIII. ტექნიკური აღრიცხვის მასალების გამოყენება.

29. თითოეული ქალაქის, მუშათა, საკურორტო და სააგარაკო დაბის მიხედვით ქონების ტექნიკური აღრიცხვისა და შეფასების შედეგების ნაკრებ ცნობებს (მუხ. 11) ამტკიცებენ მშრომელთა დეპუტატების სათანადო ადგილობრივი საბჭოები და ამ უკანასკნელთა კომუნალური განყოფილებანი წარუდგენენ საქართველოს სსრ კომუნალური მეურნეობის სახალხო კომისარიატს რესპუბლიკური ნაკრები ცნობის შესადგენად.

30. საქართველოს სსრ კომუნალური მეურნეობის სახალხო კომისარიატი ქონების ტექნიკური აღრიცხვისა და შეფასების შედეგების შესახებ მის მიერ რესპუბლიკის მიხედვით შედგენილ ნაკრებ ცნობას დასამტკიცებლად წარუდგენს საქართველოს სსრ სახელმწიფო საგეგმო კომისიას, ამასთან აღრიცხვის შედეგებს იმავდროულად აცნობებს საქართველოს სსრ ფინანსთა სახალხო კომისარიატს და სახალხო მეურნეობის აღრიცხვის სამმართველოს.

31. იმ დროს, როდესაც ადგილობრივ საფინანსო ორგანოებს, სახელმწიფო დაზღვევის, სახალხო მეურნეობის აღრიცხვის და სხვ. ორგანოებს ესაჭიროებათ ქონების მდგომარეობისა და შეფასების შესახებ ისეთი დაწვრილებითი ცნობების მიღება, რომლებსაც არ შეიცავენ ამ დებულების წესით შედგენილი ნაკრები ცნობები, მშრომელთა დეპუტატების ადგილობრივი საბჭოების სათანადო კომუნალური განყოფილებანი აწარმოებენ აღრიცხვის მასალების საჭირო დამუშავებას, ამასთან დაკავშირებული დამატებითი სამუშაოების თვითღირებულების ანაზღაურების საერბო საფუძვლებზე.

32. ამ დებულების განსავითარებლად საქართველოს სსრ კომუნალური მეურნეობის სახალხო კომისარიატი საქართველოს სსრ ფინანსთა სახალხო კომისარიატთან შეთანხმებით გამოსცემს ინსტრუქციას.

4  
РУСТ 33,35  
Б,КЕ ИМЭЛ

1 12 СВ ГР 3



გამომცემელი: საქართველოს სსრ სახალხო კომისართა საბჭო

უნდა ჩაბარდეს პირველ რიგში  
ხელწერილის ქვეშ

მისამართისათვის

ფასი 40 კპ.

გამომცემლობა „კომუნისტის“, პოლიგრაფიული კომბინატი, ლენინის ქ. № 28.

მთავლ. რწმ. № კ-490

შეკვ. № 702

ტირაჟი 2000